



**Broj/Број:02 –50 –1-51-53/'06
Sarajevo/Сарајево, 2.2.2006.**

**ZAPISNIK
53. sjednice Doma naroda
Parlamentarne skupštine Bosne i Hercegovine,
održane 31. januara 2006.godine**

Sjednica je počela u 11,15 sati.

Sjednicom je predsjedavao Mustafa Pamuk, predsjedavajući Doma naroda Parlamentarne skupštine Bosne i Hercegovine.

Sjednici je prisustvovalo 14 delegata.

Delegat Goran Milojević opravdao je izostanak.

Osim delegata, na sjednici Doma naroda bili su predstavnici međunarodnih organizacija i sredstava javnog informiranja.

Za 53. sjednicu Doma naroda usvojen je sljedeći izmjenjeni i dopunjeni

D N E V N I R E D

1. Odgovori na delegatska pitanja i delegatska pitanja;
2. Zapisnik 52. sjednice Doma naroda;
3. Izvještaj Zajedničke komisije oba doma o nastojanju za postizanje sporazuma o identičnom tekstu poslovnika Predstavničkog doma i Poslovnika Doma naroda;
4. Izvještaj Zajedničke komisije oba doma o nastojanju za postizanje sporazuma o identičnom tekstu o Zakonu o izmjenama i dopunama Zakona o administrativnim taksama;
5. Izvještaj Zajedničke komisije oba doma o nastojanju za postizanje sporazuma o identičnom tekstu Zakona o reviziji institucija BiH;
6. Zahtjev Vijeća ministara BiH za razmatranje Prijedloga zakona o dopuni Zakona o porezu na dodatu vrijednost po hitnom postupku, u skladu s članom 100. Poslovnika Doma naroda;
7. Zahtjev Vijeća ministara BiH za razmatranje Prijedloga zakona o izmjeni i dopuni Zakona o porezu na dodatu vrijednost, po hitnom postupku, u skladu s članom 100. Poslovnika Doma naroda;
8. Zahtjev Predstavničkog doma za razmatranje Zakona o izmjeni Zakona o poštama po hitnom postupku, u skladu s članom 100. Poslovnika Doma naroda;
9. Zahtjev Vijeća ministara BiH za razmatranje Prijedloga zakona o verifikaciji i izmirenju obaveza po osnovu računa stare devizne štednje po hitnom postupku, u skladu s članom 99. Poslovnika Doma naroda;

10. Zahtjev Vijeća ministara BiH za razmatranje Prijedloga zakona o primjeni privremenih mjera prema licima koja su optužena a nisu dostupna Međunarodnom krivičnom sudu za bivšu Jugoslaviju i licima uključenim u pružanje pomoći licima optuženim od Međunarodnog krivičnog suda za bivšu Jugoslaviju po hitnom postupku, u skladu s članom 99. Poslovnika Doma naroda;
11. Prijedlog zakona o izmjeni Zakona o javnim nabavkama (prvo čitanje);
12. Prijedlog zakona o implementaciji Konvencije o zabrani razvoja, proizvodnje, gomilanja i upotrebe hemijskog oružja i o njegovom uništavanju (prvo čitanje);
13. Informacija o stanju sigurnosti Bosne i Hercegovine za prvih šest mjeseci 2005.;
14. Davanje saglasnosti za ratifikaciju Sporazuma između Bosne i Hercegovine i Evropske unije o sigurnosnim procedurama za razmjenu povjerljivih podataka;
15. Davanje saglasnosti za ratifikaciju Sporazuma o dvojnog državljanstvu između Bosne i Hercegovine i Kraljevine Švedske;
16. Davanje saglasnosti za ratifikaciju Protokola o izmjeni Evropske konvencije o suzbijanju terorizma;
17. Davanje saglasnosti za ratifikaciju Protokola o izmjenama Konvencije o međunarodnom željezničkom prijevozu (COTIF).
18. Izvještaj o radu Komisije za vanjsku i trgovinsku politiku Doma naroda.

Ad-1. Odgovori na delegatska pitanja i delegatska pitanja

Odgovor na delegatsko pitanje dobio je Velimir Jukić.

Delegat Velimir Jukić izjasnio se da nije zadovoljan dobivenim odgovorom.

Delegat Tomislav Limov postavio je sljedeća pitanja Vijeću ministara BiH:

1. Postoje li i u čemu se konkretno sastoje, a u skladu s međunarodnim pomorskim pravom, standardi koje pri izgradnji infrastrukturnih objekata moraju poštivati države koje izgradnjom tih objekata mogu dovesti u pitanje pravo druge države u pogledu pristupa međunarodnim plovnim putevima?
2. Ispunjava li projekat izgradnje mosta, kojim vlast Republike Hrvatske želi spojiti svoju dalmatinsku obalu s poluotokom Pelješac, odgovarajuće međunarodne tehničke standarde?
3. Šta je Vijeće ministara BiH do sada konkretno učinilo i šta će u budućnosti preduzeti ako izgradnjom pomenutog mosta budu ugrožena prava i interesi Bosne i Hercegovine?

Delegat Velimir Jukić postavio je pitanje Vijeću ministara BiH:

Šta će Vijeće ministara BiH učiniti da internet usluge budu dostupnije većem broju ljudi, odnosno jeftinije, naročito omladini, studentima i đacima?

Delegat Osman Brka postavio je pitanja Vijeću ministara BiH, odnosno predsjedavajućem Vijeća ministara BiH:

1. Da li je osnovana Komisija za računovodstvo i reviziju BiH u skladu s članom 4. i članom 12. Zakona o računovodstvu i reviziji BiH („Službeni glasnik BiH“, br. 42/04)?
2. Ako je osnovana Komisija iz tačke 1. ovog akta, ko je njen direktor i ko su članovi Komisije, shodno članu 4. Zakona?
3. Da li su, shodno članu 12. Zakona o računovodstvu i reviziji BiH, od dana stupanja na snagu ovog zakona, tj. u periodu od šest mjeseci /od 18.9.2004. do 18.3.2005. / obavljeni sljedeći zadaci i poslovi:

- a) izrada statuta, poslovnika i internog pravilnika Komisije,
 - b) izrada Etičkog kodeksa za Komisiju i računovodstvenu profesiju,
 - c) koordinirani izborni postupci koje obavljaju profesionalna tijela za izbor članova Komisije?
4. Da li je nakon 18.9.2005. specijalni međunarodni savjetnik, s obzirom da više po Zakonu nije mogao biti direktor, zadužen u ulozi specijalnog savjetnika Komisije i da li tu funkciju obavlja i danas?
 5. Kako je Komisija po Zakona morala biti osnovana do 18.3.2005., da li je ispunila svoje obaveze koje su joj utvrđene članom 7. predmetnog zakona?
 6. Da li je Komisija utvrdila uslove po kojima se vrši obuka kandidata za računovodstvenu profesiju u skladu s članom 7. Zakona i, ako je to učinila, koje su to obrazovne ustanove, profesionalna tijela i privatna preduzeća?
 7. Kako su po Zakonu do sada morali biti izdati certifikati za ovlaštene revizore u skladu s članom 5. stav (2) tačka b): „Izdavanje certifikata za ovlaštene revizore vrši Komisija“ pomenutog zakona, da li su do sada oni izdavani?
 8. Da li je Komisija, shodno članu 5. stav (5) citiranog zakona, preporučila standardnu administrativnu naknadu nominalnog iznosa čijom naplatom se omogućava udruženjima da nadoknade neophodne administrativne troškove koji će nastati usljed ispunjenja zahtjeva ove odredbe, a ako je to učinila, kolika je ta nominalna naknada?
 9. Pošto je u isključivoj nadležnosti Komisije utvrđivanje naknade nominalnog iznosa za troškove certificiranja i licenciranja iz oblasti računovodstvene profesije, kako je moguće da Savez računovođa i revizora Federacije BiH utvrdi nominalnu naknadu u iznosu od 80 KM po jednom kandidatu računovodstvene profesije i kako je moguće da se u Javnom pozivu koji objavljuje isto udruženje koristi pojam „RECERTIFICIRANJE“, kad taj pojam Zakon uopće ne poznaje? (Prilog: Javni poziv objavljen u listu „Dnevni Avaz“, 23.12.2005.na 65. stranici)
 10. Kako je moguće prenositi nadležnosti koje su u isključivoj nadležnosti Komisije po osnovu člana 6. stav (2) pod b), zadnja rečenica citiranog zakona na udruženje - Savez računovođa i revizora Federacije BiH, a što se vidi iz navedenog Javnog poziva i direktno je suprotno konkretnoj zakonskoj normi?
 11. Kako je moguće da certificiranje ovlaštenih revizora vrše profesionalna tijela, a što je direktno suprotno članu 5. stav (2) tačka b): „Izdavanje certifikata za ovlaštene revizore vrši Komisija“, te im izdaju certifikate nezakonita tijela, pa u konačnici ovlašteni revizori imaju nezakonita zvanja, jer im certificiranje nije izvršeno u skladu s ovim zakonom?

Delegat Branko Zrno postavio je pitanje sekretaru Zajedničke službe:

„Zašto mu je poziv na kojem piše urgentno, s datumom 16.1.2006., dostavljen tek 31.1.2006., naglašavajući da se poziv odnosio na seminar koji je trebalo da bude održan 27.1.2006.godine?“.

Ad-2. Usvajanje Zapisnika 52. sjednice Doma naroda

Zapisnik 52. sjednice Doma naroda usvojen je jednoglasno.

Ad-3. Izvještaj Zajedničke komisije oba doma o nastojanju za postizanje sporazuma o identičnom tekstu poslovnika Predstavničkog doma i Poslovnika Doma naroda;

Rasprava o ovoj tački dnevnog reda nije vođena.

Dom naroda jednoglasno je usvojio Izvještaj Zajedničke komisije o nastojanju za postizanje sporazuma o identičnom tekstu poslovnika Predstavničkog doma i Poslovnika Doma naroda.

Ad-4. Izvještaj Zajedničke komisije oba doma o nastojanju za postizanje sporazuma o identičnom tekstu o Zakonu o izmjenama i dopunama Zakona o administrativnim taksama;

Rasprava o ovoj tački dnevnog reda nije vođena.

Dom naroda jednoglasno je usvojio Izvještaj Zajedničke komisije o nastojanju za postizanje sporazuma o identičnom tekstu Zakona o izmjenama i dopunama Zakona o administrativnim taksama.

Ad-5. Izvještaj Zajedničke komisije oba doma o nastojanju za postizanje sporazuma o identičnom tekstu Zakona o reviziji institucija BiH ;

Rasprava o ovoj tački dnevnog reda nije vođena.

Dom naroda jednoglasno je usvojio Izvještaj Zajedničke komisije o nastojanju za postizanje sporazuma o identičnom tekstu Zakona o reviziji institucija BiH sa zaključkom.

Obavezuje se Vijeće ministara BiH da u roku od 30 dana od dana prijema ovog zaključka sačini i domovima dostavi Izvještaj o primjeni Zakona o računovodstvu i reviziji ("Službeni glasnik BiH", broj: 42/04).

Ad-6. Zahtjev Vijeća ministara BiH za razmatranje Prijedloga zakona o dopuni Zakona o porezu na dodatu vrijednost po hitnom postupku, u skladu s članom 100. Poslovnika Doma naroda;

U raspravi o ovoj tački dnevnog reda učestvovali su: Đoko Pajić, predstavnik Vijeće ministara BiH Ljerka Marić, Velimir Jukić, Tomislav Limov, Halid Genjac, Ilija Filipović i Vinko Radovanović.

Dom naroda nije usvojio Zahtjev Vijeća ministara BiH za razmatranje Prijedloga zakona o dopuni Zakona o porezu na dodatu vrijednost po hitnom postupku, u skladu s članom 100. Poslovnika Doma naroda. Zakon će biti razmatran u redovnoj proceduri.

Ad-7. Zahtjev Vijeća ministara BiH za razmatranje Prijedloga zakona o izmjeni i dopuni Zakona o porezu na dodatu vrijednost, po hitnom postupku, u skladu s članom 100. Poslovnika Doma naroda;

U raspravi o ovoj tački dnevnog reda učestvovao je Đoko Pajić.

Dom naroda nije usvojio Zahtjev Vijeća ministara BiH za razmatranje Prijedloga zakona o izmjeni i dopuni Zakona o porezu na dodatu vrijednost po hitnom postupku, u skladu s članom 100. Poslovnika Doma naroda. Zakon će biti razmatran u redovnoj proceduri.

Ad-8. Zahtjev Predstavničkog doma za razmatranje Zakona o izmjeni Zakona o poštama po hitnom postupku, u skladu s članom 100. Poslovnika Doma naroda;

U raspravi o ovoj tački dnevnog reda učestvovao je Đoko Pajić.

Dom naroda jednoglasno je usvojio Zahtjev Predstavničkog doma za razmatranje Zakona o izmjeni Zakona o poštama po hitnom postupku, u skladu s članom 100. Poslovnika Doma naroda, nakon čega Zakon većinom glasova nije usvojen.

Ad-9. Zahtjev Vijeća ministara BiH za razmatranje Prijedloga zakona o verifikaciji i izmirenju obaveza po osnovu računa stare devizne štednje po hitnom postupku, u skladu s članom 99. Poslovnika Doma naroda;

U raspravi o ovoj tački dnevnog reda učestvovala je Ljerka Marić, predstavnik Vijeća ministara BiH.

Dom naroda jednoglasno je usvojio Zahtjev Vijeća ministara BiH za razmatranje Prijedloga zakona o verifikaciji i izmirenju obaveza po osnovu računa stare devizne štednje po hitnom postupku, u skladu s članom 99. Poslovnika Doma naroda.

Ad-10. Zahtjev Vijeća ministara BiH za razmatranje Prijedloga zakona o primjeni privremenih mjera prema licima koja su optužena a nisu dostupna Međunarodnom krivičnom sudu za bivšu Jugoslaviju i licima uključenim u pružanje pomoći licima optuženim od Međunarodnog krivičnog suda za bivšu Jugoslaviju po hitnom postupku, u skladu s članom 99. Poslovnika Doma naroda;

Rasprava o ovoj tački dnevnog reda nije vođena.

Dom naroda nije usvojio Zahtjev Vijeća ministara BiH za razmatranje Prijedloga zakona o o primjeni privremenih mjera prema licima koja su optužena a nisu dostupna Međunarodnom krivičnom sudu za bivšu Jugoslaviju i licima uključenim u pružanje pomoći licima optuženim od Međunarodnog krivičnog suda za bivšu Jugoslaviju po hitnom postupku, u skladu s članom 99. Poslovnika Doma naroda. Zakon će biti razmatran u redovnoj proceduri.

Ad-11. Prijedlog zakona o izmjeni Zakona o javnim nabavkama (prvo čitanje);

U raspravi o ovoj tački dnevnog reda učestvovali su: Ruža Stojanović, Tomislav Limov i sekretar Doma naroda Jadranko Tomić.

Dom naroda je u oba čitanja usvojio Prijedlog zakona o izmjeni Zakona o javnim nabavkama u identičnom tekstu kao i na Predstavničkom domu.

Ad-12. Prijedlog zakona o implementaciji Konvencije o zabrani razvoja, proizvodnje, gomilanja i upotrebe hemijskog oružja i njegovom uništavanju (prvo čitanje);

U raspravi o ovoj tački dnevnog reda učestvovao je Hasan Čengić.

Dom naroda jednoglasno je u oba čitanja usvojio Prijedlog zakona o implementaciji Konvencije o zabrani razvoja, proizvodnje, gomilanja i upotrebe hemijskog oružja i o njegovom uništavanju sa sljedećim amandmanima:

Amandman I.

U članu 15. stav (5) brišu se riječi: „određeni broj“, a riječ „članova“ mijenja se i glasi „članovi“.

Amandman II.

U članu 17. alineja b) brišu se riječi: „ili ministarstva odbrane entiteta“.

Amandman III.

U članu 27. riječ „mjesec“ zamjenjuje se riječima: „dva mjeseca“.

S obzirom da je Zakon usvojen u različitom tekstu u odnosu na Predstavnički dom, Dom naroda imenovao je sljedeće delegate za članove Zajedničke komisije za nastojanje postizanja sporazuma o identičnom tekstu Zakona:

Hasan Čengić
Anto Spajić
Vinko Radovanović

Ad-13. Informacija o stanju sigurnosti Bosne i Hercegovine za prvih šest mjeseci 2005.;

U raspravi su učestvovali: predstavnik predlagača Ljiljana Trišić, Tomislav Limov, Boško Šiljegović, Đoko Pajić i Osman Brka.

Dom naroda jednoglasno je primio k znanju Informaciju o stanju sigurnosti Bosne i Hercegovine za prvih šest mjeseci 2005., sa zaključcima koji su usvojeni na Zajedničkoj komisiji, s tim da se zaključci dostave Ministarstvu sigurnosti BiH, kako bi se uzeli u obzir prilikom izrade Informacije o stanju sigurnosti Bosne i Hercegovine za 2005. godinu.

Ad-14. Davanje saglasnosti za ratifikaciju Sporazuma između Bosne i Hercegovine i Evropske unije o sigurnosnim procedurama za razmjenu povjerljivih podataka;

U raspravi su učestvovali Hasan Čengić i Tomislav Limov.

Dom naroda jednoglasno je dao saglasnost za ratifikaciju Sporazuma između Bosne i Hercegovine i Evropske unije o sigurnosnim procedurama za razmjenu povjerljivih podataka.

Ad-15. Davanje saglasnosti za ratifikaciju Sporazuma o dvojnem državljanstvu između Bosne i Hercegovine i Kraljevine Švedske;

U raspravi je učestvovao Hasan Čengić.

Dom naroda jednoglasno je dao saglasnost za ratifikaciju Sporazuma o dvojnem državljanstvu između Bosne i Hercegovine i Kraljevine Švedske.

Ad-16. Davanje saglasnosti za ratifikaciju Protokola o izmjeni Evropske konvencije o suzbijanju terorizma;

U raspravi je učestvovao Hasan Čengić.

Dom naroda jednoglasno je dao saglasnost za ratifikaciju Protokola o izmjeni Evropske konvencije o suzbijanju terorizma.

Ad-17. Davanje saglasnosti za ratifikaciju Protokola o izmjenama Konvencije o međunarodnom željezničkom prijevozu (COTIF).

U raspravi je učestvovao Hasan Čengić.

Dom naroda jednoglasno je dao saglasnost za ratifikaciju Protokola o izmjenama Konvencije o međunarodnom željezničkom prijevozu (COTIF).

Ad-18. Izvještaj o radu Komisije za vanjsku i trgovinsku politiku Doma naroda

U raspravi su učestvovali Hasan Čengić i Boško Šiljegović.

Dom naroda jednoglasno je usvojio Izvještaj o radu Komisije za vanjsku i trgovinsku politiku Doma naroda.

Sjednica je završena u 13,10 sati.

Sastavni dio ovog zapisnika je neautorizirani transkript 53. sjednice Doma naroda.

SEKRETAR
DOMA NARODA
Jadranko Tomić

PREDSJEDAVAJUĆI
DOMA NARODA
Mustafa Pamuk